



অবিলম্বে প্রকাশের উদ্দেশ্যে: 8/29/2021

গভর্নর ক্যাথি হোচুল

2021 গ্রেট নিউ ইয়র্ক স্টেট ফেয়ারে গভর্নর হোচুল আনুষ্ঠানিকভাবে হাইওয়ে
ওয়ার্কারস মেমোরিয়ালের উন্মোচন এবং উৎসর্গ করেছেন

**স্মৃতিস্তম্ভটি নিউ ইয়র্কে নিরাপদ হাইওয়ে সিস্টেম বজায় রাখার পাশাপাশি
জনসাধারণের রক্ষায় নিজেদের জীবন দানকারী কর্মীদের সম্মান প্রদর্শন করে**

গভর্নর ক্যাথি হোচুল আজ নিউ ইয়র্কের নিহত হাইওয়ে কর্মীদের সম্মানে 2021 গ্রেট নিউ ইয়র্ক স্টেট ফেয়ারে (2021 Great New York State Fair) একটি স্মৃতিস্তম্ভ উন্মোচন করেছেন। স্মৃতিস্তম্ভটি ফেয়ারগ্রাউন্ডের মাঝখানের প্রবেশপথের কাছে এবং হটিকালচার বিল্ডিং এর পশ্চিম পাশে অবস্থিত এবং নিউ ইয়র্কের হাজার হাজার মাইল দীর্ঘ হাইওয়েগুলিতে নিজেদের দায়িত্বপালনরত অবস্থায় নিহত পরিবহন কর্মীদের সম্মান প্রদর্শন করে, যার মধ্যে অন্তর্ভুক্ত স্টেট ডিপার্টমেন্ট অফ ট্রান্সপোর্টেশন (Department of Transportation, DOT) এবং থরুওয়ে অথরিটির কর্মচারী, মিউনিসিপাল হাইওয়ে কর্মী, ঠিকাদার, কনসালটেন্ট এবং গাড়ি টানা সেবা কর্মী।

"এই স্মৃতিস্তম্ভ নিউ ইয়র্কের সেই কঠোর পরিশ্রমী মানুষদের সম্মান প্রদর্শন করে যারা আমাদের ব্রিজ নির্মাণে, আমাদের রাস্তা ঢালাইয়ে এবং আমাদের অবকাঠামো রক্ষণাবেক্ষণে নিজেদের ব্যক্তিগত নিরাপত্তাকে উপেক্ষা করে সেবা করেছে যাতে বাকিরা নিরাপদে তাদের গন্তব্যে পৌঁছাতে পারে," **গভর্নর হোচুল বলেন।** "যারা তাদের দায়িত্বপালনরত অবস্থায় জীবন হারিয়েছেন তাদের প্রতি একটি আমাদের চিরস্থায়ী শ্রদ্ধার নিদর্শন হিসাবে কাজ করে, এবং আমাদের স্বরণ করিয়ে দেবে যে আমাদের রাস্তা এবং ব্রিজ নিরাপদ রাখার জন্য এই নিবেদিত কর্মীরা প্রতিদিন কাজ করছেন। আমরা তাদের সবার কাছে কৃতজ্ঞ।"

ফেডারেল ব্যুরো অফ লেবার স্ট্যাটিস্টিকসের (Bureau of Labor Statistics) মতে 2003-2017 পর্যন্ত মার্কিন যুক্তরাষ্ট্রের নির্মাণ সাইটগুলি জুড়ে 1,844 জন কর্মী প্রাণ হারিয়েছেন, গড়ে প্রতি বছর 123 জন কর্মী প্রাণ হারিয়েছেন। স্টেট ডিপার্টমেন্ট অফ ট্রান্সপোর্টেশন (Department of Transportation, DOT) এর স্থায়িত্বকালে 56 জন কর্মী হারিয়েছে।

নতুন স্মৃতিস্তম্ভটিতে একটি সেন্টারপিস রয়েছে যাতে একটি প্লাটফর্মের উপর ব্রোঞ্জের বেলচা, হার্ড হ্যাট এবং বুট সম্বলিত ভাস্কর্য রয়েছে যা চারটি ব্রোঞ্জের ট্রাফিক কোন দিয়ে বেষ্টিত এবং একটি উৎসর্গকরণ প্ল্যাক রয়েছে। এতে সম্মানের সাথে তাদের স্মৃতিচারণের জন্য ঢালাই করা রাস্তা এবং বসার ব্যবস্থা রয়েছে। সেন্টারপিসের আশেপাশে এবং স্মৃতিস্তম্ভের চারপাশে গাছপালাও লাগানো হয়েছে।

স্টেট ডিপার্টমেন্ট অফ ট্রান্সপোর্টেশনের কমিশনার মারি টেরেস ডমিনগুয়েজ বলেন, "এই স্মৃতিস্তম্ভটি জনসেবায় সর্বোচ্চ ত্যাগ স্বীকার করা অনেক হাইওয়ে এবং পরিবহন কর্মীর উদ্দেশ্যে একটি চিরস্থায়ী সম্মাননা। যেসব নারী এবং পুরুষ আমাদের সড়কপথ নির্মাণ, পরিচালনা এবং রক্ষণাবেক্ষণ করেন তাদের প্রতি আমরা সর্বদা কৃতজ্ঞ এবং এই নতুন স্মৃতিস্তম্ভ সকল নিউ ইয়র্কবাসকে সব সময় তাদের অবদান এবং আমাদের নিরাপদ রাখতে তাদের মুখোমুখি হওয়া বিপদের কথা স্মরণ করিয়ে দেবে। গভর্নর হোচুল এবং দ্য গ্রেট নিউ ইয়র্ক স্টেট ফেয়ারকে এই স্মৃতিস্তম্ভ বাস্তবায়নে সাহায্য করার জন্য আমরা ধন্যবাদ জানাই। এবং, আপনারা যখন হাইওয়ে ওয়ার্কজোনের ভেতর দিয়ে গাড়ি চালিয়ে যাবেন, দয়া করে আপনার ফোন নামিয়ে রাখুন, চোখ রাস্তার দিকে রাখুন, গতি কমিয়ে আনুন এবং সবচেয়ে বেশি গুরুত্বপূর্ণ - মনোযোগ দিন - কারণ মানুষের জীবন এর উপর নির্ভর করে।"

থরুওয়ে অথরিটির নির্বাহী পরিচালক ম্যাথিউ জে. ড্রিসকোল বলেন, "আমাদের রাস্তা নিরাপদ রাখার জন্য কাজ করার সময় যেসব নারী এবং পুরুষ তাদের জীবন হারিয়েছেন আমরা কখনোই তাদের ভুলে যেতে পারি না। এই মন ছুঁয়ে যাওয়া সম্মাননাকে বাস্তবে রূপান্তর করতে সমর্থন করার জন্য আমি গভর্নর হোচুল, DOT এবং দ্য গ্রেট নিউ ইয়র্ক স্টেট ফেয়ারকে ধন্যবাদ জানাতে চাই। হাইওয়ে কর্মীরা প্রতিদিন আমাদের সড়কপথ নিরাপদ এবং উন্নত করতে তাদের জীবনের ঝুঁকি নেন এবং এই স্মৃতিস্তম্ভটি তাদের একাগ্রতা এবং ত্যাগের একটি প্রকৃত নিদর্শন। যখন আপনি ইমারজেন্সি লাইট দেখবেন তখন মনোযোগ দিয়ে এবং গতি কমিয়ে আমাদের হাইওয়ে নিরাপদতর রাখতে সাহায্য করুন।"

স্টেট পুলিশের (State Police) সুপারিন্টেন্ডেন্ট কেভিন পি. ব্রুয়েন বলেন, "প্রতিদিন হাইওয়ে কর্মীরা আমাদের নিরাপত্তার খাতিরে নিউ ইয়র্কের রাস্তা এবং ব্রিজ রক্ষণাবেক্ষণে বিপজ্জনক পরিস্থিতির মোকাবেলা করেন। দায়িত্বপালনরত অবস্থায় যেসব হাইওয়ে কর্মী তাদের জীবন হারিয়েছেন তাদের ত্যাগ স্টেট পুলিশ স্বীকার করে। নতুন স্মৃতিস্তম্ভটি তাদের সেবার প্রতি একটি উপযুক্ত সম্মাননা হিসাবে কাজ করবে এবং গাড়ি চালানোর সময়ে নিরাপত্তাকে অগ্রাধিকার দেওয়ার কথা সবাইকে মনে করিয়ে দেবে।"

নিউ ইয়র্ক স্টেট ফেয়ারের পরিচালক ট্রয় ওয়াফনার বলেন, "এই স্মৃতিস্তম্ভটি আমাদের রাস্তা এবং ব্রিজগুলিকে সুরক্ষিত রাখার সময় প্রাণ হারানো নারী এবং পুরুষদের জীবনের প্রতি একটি সুন্দর এবং হৃদয়স্পর্শী সম্মাননা। এর আবাস্থল হতে পেরে আমরা গর্বিত। প্রতি বছর লক্ষ লক্ষ নিউ ইয়র্কবাসী এই স্মৃতিস্তম্ভটি দেখবে যা তাদের আমাদের গুরুত্বপূর্ণ হাইওয়ে কর্মীদের রক্ষায় নিজেদের দায়িত্বপালনের কথা মনে করিয়ে দেবে।"

DOT তার কর্মীদের জন্য সুরক্ষা বাড়ানোর জন্য সারা বছর কাজ করে। ফ্ল্যাগার ও পরিবহন কর্মীদের আরো ভালোভাবে সুরক্ষিত করার জন্য পোর্টেবল রাশ্বল স্ট্রিপগুলি যা ওয়ার্ক জোনগুলির আগে ও অন্যমনস্ক ড্রাইভিং প্রতিরোধে স্টেটের প্রতিটি অঞ্চলে ব্যবহার করা হচ্ছে। পরিবহন কর্মীদের আরো ভালোভাবে সুরক্ষিত করার জন্য নিউ ইয়র্ক জুড়ে DOT রক্ষণাবেক্ষণ ওয়ার্ক জোন ও ঠিকাদার প্রকল্পের ওয়ার্ক জোনে ওয়ার্ক জোন ক্যামেরাও বাস্তবায়ন করা হচ্ছে।

এই বছর, থরুওয়ে কর্তৃপক্ষ স্টেট জুড়ে তার চারটি রক্ষণাবেক্ষণ বিভাগে এক ডজনেরও বেশি নতুন ট্রাক মোতায়েন করেছে যেখানে বর্ধিত প্রযুক্তি সরাসরি ওয়ার্ক জোনের সুরক্ষা উন্নত করার দিকে মনোনিবেশ করেছে। যানবাহনের মধ্যে রয়েছে বড় রাডার বোর্ড ডিসপ্লে যা তাদের রাস্তায় গতি, দিকনির্দেশক প্রতীক, ট্র্যাফিক অ্যাটেনুটার ও সুইং গেটসহ বিস্তৃত শক্তিশালী ম্যান বাকেটগুলির তুলনায় ওয়ার্ক জোনের গতিসীমায় মোটরচালকদের সতর্ক করে যাতেকোণ ও ব্যারেলগুলি সহজ ও নিরাপদ মোতায়েন বা অপসারণের অনুমতি প্রদান করে।

আজকের উন্মোচন তখন এলো যখন নিউ ইয়র্ক স্টেট পুলিশ এবং স্থানীয় আইনশৃঙ্খলা রক্ষাকারী এজেন্সিগুলি অপারেশন হার্ডহাটের অংশ হিসাবে হাইওয়ে ওয়ার্কজোনের মধ্যে ইচ্ছাকৃতভাবে যানবাহন এবং ট্র্যাফিক আইন অমান্যকারী চালকদের রেকর্ড সংখ্যক হারে টিকেট দিচ্ছে। গত বছর স্টেট পুলিশ "অপারেশন হার্ডহাট" কার্যক্রমের সময় 1,770টি টিকেট ইস্যু করেছিল, যা 2019 সালের মোট প্রায় 70 শতাংশ ছাড়িয়ে গেছে। এই বছর এই উদ্যোগের অধীনে ইতোমধ্যে, ট্রুপার এবং স্থানীয় আইনশৃঙ্খলা রক্ষাকারী এজেন্সিগুলি 1,600 এর বেশি টিকেট ইস্যু করেছে।

###

আরো সংবাদ পাওয়া যাবে এখানে www.governor.ny.gov -এ
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418

[আনসাবক্লাইব করুন](#)